



GAZETY Tantely

"Ary ny toho-tantely ho mammy eo am-bavanao" (Ohab. 24:13)

Laharana faha-81 / 17 Febroary 2019/ 1.000Ar

2019: TAOM-PANAVAOZANA



**« Fa efa miseho ny fahasoavan'Andriamanitra izay famonjena ny olona rehetra »
(Tit. 2 : 11a)**

Ny fahasoavana no mahatonga ny Fiangonana tia ny fiarahamonina iasany, tia ny mpanota fa tsy ny hitsara azy, ny hampahatsiaro azy fa ao amin'i Jesoa Kristy irery ihany no tena fanadiovana marina sy ny fiainam-pifaliana tena izy sady maharitra. Koa tsy mahazo kivy ny Fiangonana fa miorina tsara amin'ny fahasoavana.

>2

EDITORIAL "Toeram-Boninahitra sa toeram-Panompoana	SAMPANA TSARA HO FANTATRA ›4	GALILIA: NY MPITANDRINA Rev. Dr Jean A. RAVALITERA mivady ›7
ANDRIAMAROSOA Manoa, Mpitandrina › 3	KATEKOMENA Andia MAHERY ›5	SARISARY SAMIHAFANA ›8
	VAHINY ›6	

« *Fa efa miseho ny fahasoavan'Andriamanitra izay famonjena ny olona rehetra* » (Tit. 2 : 11a)

Hafatra nampitondrain'i Paoly an'i Titosy zanany ara-panahy sady misionera na mpitory ny Filazantsara tany Kreta ity tapaka andin-tSoratra Masina ity. Teny tsy afaka am-bavan'i Paoly ary miverimberina saika isaky ny Epistily nosoratany ny mikasika ny fahasoavan'Andriamanitra. Eto dia tsy diso anjara amin'izany fahasoavan'Andriamanitra izany ny mponina na ny Fiangonana tany Kreta. Mbola tanora dia tanora i Titosy no nirahin'i Paoly hitory ny Filazantsara tany Kreta izay fiarahamonina malaza masiaka, kamo, tia filàn'ny nofo sy fahafinaretana. Hoy ny and. 12 amin'ny toko 1 : « mpandainga mandrakariva ny Kretana, biby ratsy, kamo be tenda ». Tsinjon'ny Apostoly Paoly fa tsy mora ny nampanirahana an'i Titosy hiasa sy hijoro vavolombelona amin'izany fiarahamonina hafahafa izany, ary izay no nampaherezany azy mafy tamin'ity taratasy ity. Fa inona loatra re no nahatonga an'i Paoly nan-ao hoe : « Efa miseho ny fahasoavan'Andriamanitra izay famonjena ny olona rehetra » raha naniraka an'i Titosy izy ?

Ny Filazantsara dia fampahafantarana ny fahasoavan'Andriamanitra.

Araka ny voalaza ery ambony dia ratsy fitondran-tena ny ankamaroan'ny mponina tao Kreta. Ary tsy vitan'izany fa feno fanamarinan-tena. Eo am-pahitana izany i Titosy dia mety ho azon'ny fakampanahy hitsara na hihemotra mihitsy aza amin'ny asa nanirahana azy. Mety ho azon'ny fakampanahy hieritreritra tahaka an'i Jonah mpaminany fa tsy mendrika handray ny Filazantsara ny olona tahaka izany. Notaomin'i Paoly anefa i Titosy hijery ny Kretana amin'ny alalan'ny fahasoavan'Andriamanitra. ity solomason'ny fahasoavan'Andriamanitra ity no tiany ho eny amin'ny mason'i Titosy ka hahitany fa ny famonjen'Andriamanitra dia tsy miankina amin'ny olombelona fa miankina amin'Andriamanitra irery ihany. Ary ny fotoana andraisan'ny olona izany famonjen'Andriamanitra izany dia tsy mbola miankina amin'ny olona ihany koa fa mbola miankina amin'Andriamanitra. Samy fiasam-pahasoavana, na ny fitoriana ny Filazantsara, na ny fandraisana ny Filazantsara. Antitranterin'ny Apostoly Paoly ny maha Mpamonjy an'i Jesoa (toko. 2 : 13). Saingy ny mampivavaka manokana ny Filazantsara asain'i Paoly torian'i Titosy momba an'i Jesoa Mpamonjy dia Izy mpanadio. Nosy i Kresta, mahafantatra ny lanjan'ny rano ho fanadiovana. Mahafantatra rahateo ihany koa ny loto sy ny vokany. Hany ka manan-toerana tao amin'ny sivilizasiona kretana ny toe-tsaina maloto sy madio. Tsy ny maloto sy ny madio vokatry ny tsy fisasana ihany no fantatry ny Kretana, fa ny fahalotoana sy ny fahadiovana ara-panahy. Sarihan'i Paoly aza ny sain'i Titosy hijery ny Kretana sy hitaona azy hahatsiaro fa i Jesoa no tena Mpanadio, ary ao aminy irery no ahitana fanadiovana. Koa raha miteny hoe famonjena ny Apostoly Paoly dia midika ny nanadiovan'i Jesoa ny fahotan'ny olona tamin'ny rany. Hoy ary i Paoly : « *Fa efa niseho ny fahasoavan'Andriamanitra* ». Ny hevitr'izany dia efa tonga ny fotoana nom-anin'Andriamanitra ka nanekeny hanadio maimaim-poana izay rehetra mino an'i Jesoa. Tsy ny halehiben'ny fahotana tsy akory no zava-dehibe fa ny fibebahana sy ny fanekena hodiavin'ny Tompo. Ampy hahasasa sy hanadio ny fahotan'ny olona rehetra ny ran'i Kristy raha manaiky handray azy izy. Koa ny hoe mitory ny Filazantsara dia tsy inona tsy akory fa fampahafantarana ny famonjen'Andriamanitra tamin'ny nanirahany ny Zanany hanadio antsika.

Ny fahasoavan'Andriamanitra dia natao ho an'ny olona rehetra

Ny fiarahamonina tamin'ny andron'ny Antikite dia fiarahamonina antanan-tohatra. Ary tsy vitan'ny hoe antanan-tohatra fa misy ambony, misy ambany, misy maloto, misy madio, sns... Fakampanahy mpahazo ny olombelona ny mifampijery amin'ny alalan'ny anjara toeran'ny tsirairay ao amin'ny fiarahamonina. Asongadin'ny Apostoly Paoly ho ao an-tsain'i Timoty ny tsy hiheverany ny Kretana ho tsy mendrika handray ny Filazantsara ary dia tsindriany fa ho an'ny olona rehetra ny fahasoavan'Andriamanitra. zava-baovao tamin'ny fotoan'androny izany hoe Andriamanitra mampitovy ny olona rehetra. Ny mahazatra ny Kretana dia ny olona no manatona an'Andriamanitra, fa eto kosa ny Filazantsara asain'i Paoly hotorian'i Timoty dia Andriamanitra efa nanatona ny olona tamin'ny alalan'i Jesoa ka nandrava ny efitra nampisaraka ny olona Aminy. Samy manana anjara amin'izany fahasoavan'Andriamanitra izany avokoa ny sokajin'olona rehetra. Hoy i Paoly tamin'i Titosy : « Toy ny vehivavy, ny lehilahy, ny mpanompo, ny loholona, ny olona rehetra, hitantsika ao amin'ny toko. 2. *Tsy manavaka na iza na iza Andriamanitra* satria ny herin'ny fahasoavan'Andriamanitra dia efa nampiditra ny olona rehetra izay mino an'i Jesoa ho Zanany. Amin'ny alalan'ny fahasoavan'Andriamanitra no ahatsapan'ny olona fa harena sy fifamenoana ny fahasamihafana ary fifamenoana. Ny fahotana no mampiasa ny fahasamihafana ho fifanoherana sy fifaninana ka miteraka fifandirana ; fa ny fahasoavana kosa dia mampifanatona ny mpino ho tena iray ihany ao anatin'ny fanajana ny samy maha izy azy ny tsirairay. Tsy mora ny fitoriana ny Filazantsara tamin'ny mponina tao Kreta ary izay no nanafaran'i Paoly an'i Timoty handeha amin'ny fahasoavana amin'ny fijoroana vavolombelona. Izay mijro vavolombelona rehetra mantsy dia tokony hahatsiaro fa fahasoavana izany fa tsy zioga tsy akory.

FEHINY

Raha mijery ny vanim-potoana iainana ankehitriny isika, indrindra raha mijery ny fiainam-piarahamonina dia hita fa tena mbola toa an'i Titosy any Kreta ny Fiangonana : misedra fiarahamonina masiaka, tsy tia anatra, manamarin-tena, tia rendrarendra. Manoloana izany ny fitaovana tian'ny Tompo ho eny am-pelantanan'ny Fiangonana anefa dia ny fahasoavana. Taomin'ny Tompo ny Fiangonana hijery ny fiarahamonina amin'ny fahasoavana, ka ny antom-pisiany sahady ao amin'ny fiarahamonina dia efa fahasoavana. Ny fahasoavana no mahatonga ny Fiangonana tia ny fiarahamonina iasany, tia ny mpanota fa tsy ny hitsara azy, ny hampahatsiaro azy fa ao amin'i Jesoa Kristy irery ihany no tena fanadiovana marina sy ny fiainam-pifaliana tena izy sady maharitra. Koa tsy mahazo kivy ny Fiangonana fa miorina tsara amin'ny fahasoavana.

Ny Mpitandrina RAKOTONAVALONA Maholy

TOERAM-BONINAHITRA SA TOERAM-PANOMPOANA?

Ny maha tompon'andraikitra ato anatin'ny Fiangonana no tiana hametrahana fanontaniana. Fandre matetika eny amin'ny resaka ifanaovantsika eny ny hoe: "toeram-panompoana io fa tsy toeram-boninahitra" rehefa mire-saka momba ny maha diakona, ny maha biraon-tsampana na ny maha mpiandry sns. Azo heverina ny hoe sady toeram-boninahitra izy io no toeram-panompoana. Toeram-boninahitra satria ny olona efa nasandratr'Andriamanitra hiala tamin'ny fahotana ka nodiovin'ny tamin'ny ran'i Jesoa Kristy ary nohamasin'ny tamin'ny Fanahy Masina no antsoiny ho amin'ny fanompoana Azy eny amin'ireny sehatra samihafa ireny. Izany hoe, azo lazaina ho Izy Andriamanitra no manondro-boninahitra ny olona ho amin'ny fanompoana. Kanefa satria fanompoana no resaka dia tena toeram-panompoana koa izy izany. Ny ao ambadiky ny hoe: "toeram-panompoana" mantsy dia hoe mitaky fanetren-tena sy fahavononana hiasa ilay toerana maha tompon'andraikitra, fa tsy anarana iavahana amin'ny hafa fotsiny. Any amin'ny tontolo ambanivohitra toy ny Fitandremana Ambohiborona, ohatra, dia tsy mitovy loatra amin'ny aty an-tanàn-dehibe ny fandraisan'ny olona izany maha diakona izany. Noho ny havitsian'ny olona afaka manao diakona, satria betsaka ny olona no tsy nandia fianarana, dia voatery nanatona olona manokana tany an-tokantrano ny mpitandrina nitaona sy nanentana izay olona noheverina hoe afaka manao diakona tany aloha. Toa nalaim-panahy hanaiky tsy sazoka ihany ny olona, araka izany, noho ny hena-maso, ohatra, na koa hoe nihevitra azy ho olona manana ny maha izy azy satria noresen-dahatra tany an-tokantrano mihitsy, hany ka rehefa misy olona ao amin'ny Fiangonana dia tsy nahatsiaro ny tenany ho tompon'andraikitra, na tsy nanana fandavan-tena hamaha olona ny ankamaroan'ny diakona. Nezahina novaina izany tato aoriana ka ny fanoloran-tena no nampianarina ny olona sy nanentanana azy. Nambara tamin'ny Kristiana ary fa ny fanoloran-tena dia endriky ny fanetren-tena satria rehefa manolo-tena ny olona dia tsy miandry ny hafa hiangavy sy hanambitamby azy izy izay. Fantany fotsiny fa antsoin'ny Tompo hanao io fanompoana io izy dia manaiky sy miroso ary sahy avy hatrany. Mety hoy ny sasany hoe noho ny henatra no mahatonga ny olona tsy hanolo-tena fa miandry ny hafa hanolotra azy. Raha heverina maimaika mantsy dia toy ny hoe misora-tena ny olona manolo-tena ary ny olona atolotra no toa manetry tena. Fanetren-tena haitraitra ihany, anefa, izany henatra izany satria ny fanoloran-tenan'ny olona dia ataony ho an'Andriamanitra Ilay miantso azy, fa tsy ataony amin'ny olombelona izay mety mitazana. Tsara indrindra fa efa maro ny olona no manolo-tena ho amin'ny fanompoana aty an-tanàn-dehibe fa tsy miandry loatra ny hotaomina sy resen-dahatra na iangaviana. Mampisaotra ny Tompo izany, satria izany indrindra no fijoroana ho vavolombelona tsy amin-kenatra, araka ny teny fanevantsika hoe: "Koa aza menatra ny ho vavolombelon'ny Tompontosika" IITim1,8a. Koa raha mahatsiaro ny antson'ny Tompo ianao, na ho diakona, na ho biraon-tsampana, na ho amin'ny seha-panompoana hafa, ny tsara indrindra dia ny manolo-tena. Alao hery ary, manolora tena! Ho an'Andriamanitra irery ihany ny voninahitra.

SEKOLY ALAHADY: FEO TANTELY

« *Hihira ho an'i Jehovah aho raha mbola velona koa ; Hankalaza an' Andriamanitra aho raha mbola miaina* »
Salamo 104 :33

Misaotra an'Andriamanitra fa tanteraka ny soa amantsara ny famaranana ny fankalazana an'ANDRIAMANITRA noho ny faha-folo taonan'ny Feo Tantely ny 24 desambra 2018 lasa teo. Ny Feo tantely izay taninketsan'ny Fiangonana amin'ny fanabeazana ireo ankizy sy tanora eo amin'ny sehatry ny hira sy mozika. Nanakoako araka izany ny fiderana an'Andriamanitra. Samy nanolotra ny talentany ny Feo tantely sy ireo namana zanaky ny Fiangonana Hita tamin'izany ireo nitendry clavier, accordéon, violon, flûte, guitare, saxophone, batterie. Finaritra niara-nanaho ny kanto. Mitombo hatrany ny fahaizan'ny FeoTantely mitsoka solfa ka manamora ny fianarana sy famoahana hira amin'ny gadona isan-karazany. Ny mpikambana ao amin'ny Feo Tantely ihany no namorona ny hira fanevan'ny faha-10 taonany tonony sy feony. Efa misy ireo afaka mitendry manaraka ny hiran'izy ireo noho ny fianarana solfa .Miantso ny ankizy, tanora , zatovo izay te hanatevina ny Feo Tantely. Ny fianaran-kira dia isaky ny asabotsy tolakandro manomboka amin'ny 2 ora-4 ora aty am-piangonana. Ny hetsika manaraka ho tanterahina dia ny zoma masina faha 18 aprily 2019 izay handraisan'ny Feo Tantely anjara hira miavaka. Eto am-pamaranana dia misaotra ny fanohanana'ny Fiangonana sy ny Sampana Sekoly Alahady ny Feo Tantely.

Dr RANDRIANOELINA Nivo, Diakona



TSARA HO FANTATRA

A M P A M A R I N A N A

Hantsana avokoa ny mandrafitra ny tampon-tanan'Antanarivo, hatreny Imarivolanitra no avaratra ary , Ambaravarambato no atsimo. Manda vitana-Nahary izy io ary sarotra ho an'ny fahavalo no hianika eo satria feno lobolobo sy tsilon-driketra, afa-tsy ny teo afovoany ambony, izay nomena anarana hoe Tsimihatsaka. Teo no natao famarinana ny olon-dratsy, ka nahazo anarana fanindroa hoe Ampamarinana. Nakodia avy eny an-tampony ny olo-meloka, ary niantefa tamin'ireo vato teny amin'ny farany ambany. Ny nampalaza an'i Tsimihatsaka dia ny namarinana ireo Maritiora 14 mianaka tamin ny 29 martsa 1849. Rehefa niamboho ny Mpanjaka Ranavalona Voalohany , ka i Radama faharoa no nandimby azy (15 Aout 1861), dia namela malalaka ny olon-drehetra hivavaka araka izay safidimpony avy. Fotoana fohy taorian'izay dia nirahin'ny L.M.S handamina ny fanohizana ny asa nikelazan'ny misionerany aina i Rev W Ellis, ka ny masaka tao andohany dia ny hametraka zavatra mateza ho fahatsiarovana ny fandavan-tena sy fahafoizana aina ny Maritiora Malagasy. Ny nofidiany tamin'izany dia ireto toerana 4 ireto : Ambatonakanga (nisy ny tranomaizina nihazonana ny Maritiora), Ambohipotsy (nandefonana sy nanapahan-doha ny maritiora), Faravohitra (Nandorana velona ny 4 mianadahy), ary Ampamarinana

(Nanakodiavana ny 14 mianadahy). Tamin'ny 28 sy 29 martsa 1874, dia 25 taona katroka taorian' ny namarinana ny Maritiora tao Tsimihatsaka no nitokanana ny tranovato fahatsiarovana eo Ambonin'Ampamarinana. J Andrianaivoravelona no mpitandrina voalohany tao. (1864-1897)

Aina RAJOHARISON



FANDRAISANA KATEKOMENA TAONA 2019

Toy ny fanao isan-taona dia mizara roa Alahady ny fandraisana ireo nanolo-tena hiray latabatra amin'ny Tompo. Andia MAHERY no anarana hisaloran'ireto Katekomena vaovao ireto. 35 mianadahy izy ireo ka toy izao manaraka izao ny fitsinjarana ny andro handraisana azy ireo avy:

KATEKOMENA RAISINA NY ALAHADY 10 FEBROARY 2019 (Miisa 19)

Vehivavy:

- N° ANARANA**
01 ANDRIAMPANARIVO Mendrika Valisoa
02 RABESON ANDRIANJAFINTRIMO Nirinasoa
03 RAJOHARISON Jenna Mendrika
04 RAJONSON Malalaso
05 RAKOTOMALALA SOANAVALONA Holy Tiana
06 RANADISON Harinandrianina Kanto
07 RAZAFIARISOA Fandaharana Tahiana

Lehilahy:

- 01 ANDRIAMAZAORO Ny Aina Alinjaka**
02 ANDRIAMIALY Avotra Sandro
03 ANDRIAMISEZA Rado Mahery
04 ANDRIAMITANTSOA Fetra Harinarivo
05 Ny ANDRIANINA Tantely Ulrich
06 RAKOTO ANDRIAMIHASOA Harena Toavina Mandresy
07 RAKOTONOELY ANDRIAMANJAKA Manoa
08 RANDRIANANDRASANA Sedera Laza Fanomezantsoa
09 RANDRIANOELINA Rasoanaivo Manankasintsoa
10 RAZAFINDRAJERY ANDRIANJAFITRIMO Jimmy Andy
11 RAZAFINDRAJERY RASAHENOLAHY John Oël Mario
12 RAZAFINDRALAMBO Andry Christian

KATEKOMENA RAISINA NY ALAHADY 17 FEBROARY 2019 (Miisa 16)

Vehivavy:

- 01 ANDRIAMPENOMANANA Tsiky**
02 ANDRIANASOLO Harry Joanah
03 ANDRIANOMENJANAHARY Fitiavana
04 RAKOTOARINIA Vero Mihaingo Ny Harena
05 RAMINOSOA ANDRIANAMBININTSOA Njara
06 RAMINOARISOA Ravaka Finaritra
07 RANDRIAMAMONJY Ravaka Ny Aina
08 RANDRIAMAMONJY Sariaka Nambinintsoa
09 RASOARILALAO Fanomezantsoa Mariah
10 RATIARISON Haingo Riantsoa
11 RATIARISON Manohisoa Andrianirina
12 SEDIHARIMAMY Diariniaina Anjaraso

Lehilahy:

- 01 ANDRIANASOLO Larry Johanno**
02 RAJONSON Fenosoa Hasimboahangy Mamitiana
03 RAKOTOVAO ANDRIANANTENAINA Jean Luc
04 VONONKANDRESY Davida Voatendry

Izahay eto amin'ny Gazety Tantely dia maniry anareo mba hahery tokoa amin'ny fanompoana ny Tompo Jesoa.

ANDIA MAHERY

« *Mahery ianareo, ary mitoetra ao anatinareo ny tenin'Andriamanitra* » I Jaona 2,14

Izany tenin'ny Soratra Masina izay nosafidianareo ry andia Mahery no entinay Gazety Tantely hiarabana anareo. Amin'izao dingana lehibe ao amin'ny fiainana ara-panahinareo izao, mirary anareo hitombo sy haharitra amin'izao fahasoavana noraisinareo izao.

Ny Tompo anie hitahiry ny finoanareo tsy ho levona ka hiahery hatrany ianareo.

Ankehitriny, efa miray latabatra ao amin'ny Tompo ianareo, inona ary no vinavina na eritreritra hanohizanareo sy handraisanareo andraikitra ao amin'ny asa fanompoana mba hitahirizanareo izany finoanareo izany ?



Kanto Harinandrianina RANADISON, 19 taona

« Ny vavaka ataoko isan'andro dia inoako fa itaoman'ny Fanahy Masina ahy anao zavatra eo amin'ny sehatry ny Fiangonana toy ny hanoizako ny zavatra vitako teo amin'ny sampana nisy ahy, ny fanatrehako ny fivorian'ny zana-paritra sy ny fandraisana anjara eo anivon'izany tahaka ny fotoam-bavaka, famangiana, fanadiovam-piangonana, ... Mamonjy ny akatoka, manefa ny adidin'ny mpandray ary manatanteraka ny fanekena izay nataoko mba hahery tahaka ny isalorako ny anarana andia Mahery. »

Harry Joana ANDRIANASOLO, 21 taona

« Amin'izao firaisana latabatra amin'ny Tompo izao, ny vinavinako dia ny hiditra sampana mba hanohizana ny asa fanompoana. Anisan'ny sampana nofodiko ny SAMPATI sy Feo Tantely. SAMPATI satria ny tenako efa Scout hatrizay ary Feo Tantely satria mahafinaritra ahy koa ny midera ny Tompo amin'ny alalan'ny hira. Tsy atao ambani-javatra ihany koa anefa ny vavaka sy famakiana Soratra Masina mba hitahirizana ny finoana. »



Fenosoa hasimboahangy Mamitiana.R, 18 taona

« Nandritra izay herintaona nianarana izay dia tsapa tokoa fa nihamafy ny finoanay an'Andriamanitra satria ireo fampianarana na ireo anatra sy teny masina nianaranay dia manamafy hatrany ny finoanay an'Andriamanitra. Koa vita ary ny fianaranay ka miray latabatra amin'ny Tompo izahay. Ny fianaranay no vita fa ny asa fanompoana hitohy hatrany. Ny tenako moa dia efa ao amin'ny sampana Tily ao Ambohitantely kanefa tsy hijanona eo aho fa mbola hahohy ny asa amin'ny alalan'ny fampianarana ny Sekoly Alahady mba hahafahako mampita sy mizara ny tenin'Andriamanitra amin'ireo zandry andalam-pianarana. Koa, manentana ireo mpanompon'Andriamanitra maniry hiditra sampana na hiofana ho mpandray ny fanasan'ny Tompo tsy hiemotra fa hiroso hatrany ka mijoro ho vavolombelon'ny Tompo. »



John Oël Mario Rasahenolahy RAZAFINDRAJERY, 19 taona

« Tafiditra ho isan'ireo mpandray eto amin'ny fitandremana FJKM Ambohitantely izahay andia Mahery ankehitriny. Ny fianarana noratovinay nandritra ny herintaona dia nanampy anay tokoa hiroso bebe kokoa amin'ny fampadrosoana ny fiainan'ny Fiangonana. Efa hatriny ny kely aho no nandray anjara tamin'izany anefa tamin'ny alalan'ny fidirako ho isan'ny mpikambana ao amin'ny SAMPATI sy STK. Ankehitriny mbola manavao ny fanoloran-tenako aho amin'ny firot-sahako bebe kokoa amin'ny hetsika rehetra karakarain'ireo sampana efa misy ny tenako ireo. »



Rado Mahery ANDRIAMISEZA, 19 taona

« Nihomana ny hiray latabatra amin'ny Tompo nandritra ny herintaona izahay katekoma andia Mahery. Anisan'ny anatra noraisiko nandritra izay fotoam-pianarana izay dia ny firot-sahanay misimisy kokoa amin'ny fiainan'ny Fiangonana. Mba hanohizana sy handraisana andraikitra amin'ny asa fanompoana, ny laharam-pahamehana amiko dia ny hazoto hivavaka sy hamaky ny tenin'ny Soratra Masina. Izany ihany koa mantsy no anisan'ny fanekena nataoko nandritra ny fotoana nadraisana ahy ho mpandray ny fanasan'ny Tompo eto amin'ny fitandremana. Ankoatra izay, efa hatry ny fahazazako no nandala ny tenin'ny Soratra Masina aho tamin'ny alalan'ny fidirako ho isan'ny mpianatra Sekoly Alahady. Noho izany, saiko ny milaza fa mitoetra ato anatiko tokoa ny tenin'Andriamanitra ary mbola mahafinaritra sy mahaliana ahy mandrakariva ny manavao ny fahalalako izany. »

Nangonin'i Malalaso RAJONSON

FANAOVAM-BELOMA SY FANKASITRAHANA NY MPITANDRINA Rev. Dr Jean A. RAVALITERA mivady



Tsaroantsika teto Ambohitantely tsara fa tamin'ny taona 2017 dia nankalaza an'Andriamanitra noho ny 40 taona naha-mpitandrina sy 40 taona ny fanambadian'izy mivady ny Rev. Dr Jean ANDRIAMAROHASINA RAVALITERA (fantatra kokoa amin'ny anaram-bosotra fiantsoana azy hoe Pasteur Fety) sy Lydia RASOAVOLOLOMAHEFA vadiny. Indroa miantoana ny fankalazana, dia izay natao taty Frantsa niaraka tamin'ny FPMA iray manontolo sy ny Fiaraha-mivavaka FPMA EVERY izay nentin'i Pasteure Lydia RAVALITERA, ary ny taty an-tanindrazana natao teto Ambohitantely. Vaotafaverinakelikelavy taty an-tanindrazana dia nary mafa Pasteur Fety, natsaboina nandritra ny telovolana tany amin'ny Hopitaly. Misaotra an'Andriamanitra fa efa sitrana soa aman-tsara. Tsaroana ny video nampiseho an'i Pasteur mbola teo am-pandrianatany amin'ny Hopitaly, nandefahafatranalefanandritra ny fivorian'ny Zana-paritra Galilia. Nisy fotoana fankalazana ny Jobily niaraka tamin'izy mivady nokasain'ny Zana-paritra Galilia, kinanjo tsy tanteraka. Tamin'ny Synoda Lehibe faha 37 nataon'ny FPMA tany Bordeaux tamin'ny volana Novambra 2018 dia nanapa-kevitra ny handeha hisotro ronono fatsy hanohy intsony ny andraikitra mah-Filohan'ny FPMA sy ny FFKM France azy Pasteur Fety. Samy nanapa-kevitra ny FFKM France sy ny FPMA fa hanokana fotoana ho fankasitrahana azy sy ho fanaovam-beloma. Ny zana-paritra Galilia dia nanokana ny fotoana fiaraha-mivavaka sy fifampiarahabana noho ny taona vaovao 2019 natao tao Bourg-la-Reine mba ho solon'ny fotoana nokasaina fa tsy vita, ka ho fanehoam-pankasitrahana sy fanaovam-beloma azy mivady. Nofaranana tamin'ny fiaraha-misakafo sy fikoranana taorian'ny fanompoam-pivavahana natao tamin'izany (jereo Gazety TANTELY, Febroary 2019). Ny FFKM dia nanokana ny Fotoam-pivavahana iraisam-pinoana natao tamin'ny 22 janoary 2019 noho ny Herinandro Fiaraha-mivavaka eran-any ho amin'ny Firaisana mba hanaovana ny fankasitrahana sy Fanaovam-beloma azy mivady. Ny FPMA dia nanokana ny Sabotsy 2 Febroary mba hanehoam-pankasitrahana sy ho fanaovam-beloma. Ny Birao Foibe FPMA no nitarika ny fotoana, ary ny Filohan'ny Fédération Protestante de France (FPF), Pasteur François CLAVAIROLY no nitoriteny.

Nanomboka Novambra 2004 no nitondran'i Pasteur Jean A. RAVALITERA ny FPMA, ary nifarana tanteraka io Sabotsy 2 febroary 2019. Tsy mora ny nitondra ny FPMA izay vao nanomboka nahaleo tena ary tsy mbola voataiza nandray andraikitra sy namelona Mpitandrina. Maro ny mpiangona tsy nahalala akory ny atao hoe Fianganana fa nampifangaro izany tamin'ny Fikambanana samihafa. Misaotra an'Andriamanitra fa nampahatsiahivina ny fitsanganan'ny Tafo maromaro nandritra ny fotoana nitondrany, ny fananganana sy fanomezana aina Sampana iraisana maro (Sampana Vehivavy Kristiana (SVK), Sampana Sekoly Alahady (SSAST), Sampana Tanora Kristiana (STK), Sampana Zava-maneno (SZM), Sampana Lehilahy Kristiana (SLK), Sampana Tily (ST), Sampana Fifohazana (SAFIF) ; Sampana Antoko Mpihira (AMF). Nandray anjara niara-nihira tamin'ny Mpitandrina Jean A. RAVALITERA sy ny fianakaviany ny Zana-Paritra Galilia.




ANDIA MAHERY Voalohany



Mpamboly hazo ihany koa



*Fanaovam-beloma sy Fankasitrahana
Pasteur Ravalitera Mivady*



Pasteur Ravalitera Mivady



Feo Tantely IO taona



Fandroson'ny asa any Malaimbandy indray